



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1566 usque ad annum 1572

**Fleury, Claude**

**August. Vind. [u.a.], 1772**

**VD18 90118634**

§. 25. Hujus visitationis labores, ac fructus exinde reportati.

---

[urn:nbn:de:hbz:466:1-67213](https://nbn-resolving.org/urn:nbn:de:hbz:466:1-67213)

agendi ratio illis summopere placuit: Sæcul. XVI.  
A.C. 1568.  
quantocius ergo tres Deputatos scilicet  
ex singulis Pagis unum plena auctoritate  
instructum ablegarunt.

§. XXV.

*Hujus visitationis labores, ac fructus  
exinde reportati.*

**C**arolum Borromæum, cum ad desti- Guiff. l. I.  
cap. 12.  
natum locum perveniret, horum Re-  
ctorum nomine cuncti cum summa bene-  
volentia excipiebant, eumque honorifici  
obsequii studio præfati Deputati semper  
toto visitationis tempore comitabantur:  
Sanctus vero hic Præsul ubique in ru-  
pibus, locisque ferme ob nivium incle-  
mentiam inaccessis labore incredibili  
deperditas oves conquirebat, ibidem-  
que religionis facie penitus innovata,  
impios, atque idiotas Sacerdotes offi-  
cio suo amovens, ejusmodi subrogabat  
Viros, qui avitam fidem, morumque  
puritatem ad pristinum suum splendo-  
rem revocare possent: equidem potissi-  
mam itineris sui partem pedes confice-  
re, & non raro ferreis ansis, seu unci-  
nis, quos calceis suis affixerat, uti co-  
gebatur, ut præruptas rupes reptando  
conscendere, atque inter præcipitia lo-  
ca firmiter consistere posset, ubi sævis-  
simas frigoris, famis, sitis, atque assi-  
duæ lassitudinis injurias cum summo  
animo

Sæcul. XVI.  
A.C. 1568

animi sui jubilo tolerabat, quamvis præter panem nigerrimum, aquam ex solutis nivibus haustam, castaneas, aliosque crudiores fructus in hisce montibus progerminatos nullo alio alimento sese reficere posset: insuper frequenter ad populum dicebat, ac ipsemet infantes Christianæ doctrinæ rudimentis imbuebat: postquam vero suam visitationem absolverat, cunctos trium harum vallium Clericos congregabat, cunctisque Ecclesiasticis crebra adhortatione inculcabat, ut officii, ac muneris sui memores tanquam Dei Sacerdotes, & populi Pastores sancte viverent, gregemque suum ad Evangelii pascua conducere: præprimis fervore singulari illos admonebat, ut pristinæ disciplinæ leges, quarum vix ullum inter eos vestigium deprehendebatur, in usum de novo revocarent. Enimvero vix verbis exprimi valet, quam amplius ubique fructus ex tam potenti auxilio in cunctos redundarit, præcipue vero ad hanc morum innovationem plurimum conferebat oratio cujusdam Deputati, qui trium Pagorum nomine perorans hæc exponebat: „nostri Proceres fatentur, „quod suæ potestatis limites excefferint, „dum Gubernatoribus, ac locorum Judicibus suam in Ecclesiasticos auctoritatem usurpandi facultatem concesserunt,

„runt,

Sæcul. XVI.  
A.C. 1568.

„runt, perversis tamen Clericorum mo-  
„ribus sese ad id fuisse adactos crede-  
„bant, eoquod publica illorum crimina,  
„quæ populis offensionem erant, ab Archi-  
„episcopis, qui pauperes harum vallium  
„oves a tempore hominum memoriam  
„excedente nunquam visiterunt, casti-  
„gata non fuissent; nunc vero sperant  
„nostri Proceres, quod in posterum res  
„semper in melius sint processuræ, cum  
„inter eos adhuc suæ Nationis Viri de-  
„gant, qui ad Tridentinam Synodum  
„ablegati servandis decretis, quæ uni-  
„versim acceptata sunt, invigilabunt, pa-  
„rati omne præstare obsequium suo Ar-  
„chiepiscopo, quem tanquam Pastorem  
„suum venerantur.,

De cetero cuncti hujus patriæ Cle-  
rici omnia decreta, quæ tam in Tri-  
dentino, quam nupero Concilio Pro-  
vinciali per eundem Archiepiscopum  
celebrato edebantur, palam receperant,  
eaque prorsus integra fide se observatu-  
ros spondebant, nec minus singuli suam  
fidei professionem more consueto emit-  
tebant. Sanctus hic Præsul hæc  
valles egressus ubique summam pieta-  
tis, ac sapientiæ suæ famam relinque-  
bat, gratesque Deputatis ob pium, ac  
charitate plenum obsequium hisce po-  
pulis præstitum rependens ad trium Pa-  
gorum Proceres literas tenero affectu  
plenas

**Sæcul. XVI.** **A.C. 1568.**                      plenas dedit, eos impense rogans, ut in rebus spiritualibus sese regimini Ecclesiastico ingererent, unde illo abhinc tempore semper inter Sanctum hunc Præsulem, & illos Proceres immota servabatur amicitia: præterea hic idem Archiepiscopus sex hujus Nationis juvenes secum duxit, eosque in Seminarium Mediolani a se erectum misit, ut ibidem Ecclesiastica disciplina imbuerentur. His factis ad hanc urbem reversus Sacerdotes Sanctitate conspicuos ad hasce valles emittebat, qui Divini Verbi prædicatione, & Sacramentorum administratione apud hosce populos tam diu sacra hac ope destitutos maximam sane utilitatem faciebant: progressu autem temporis S. Carolus ibidem Patres Capuccinos pietatis studio probatos, sacrisque doctrinis apprime imbuitos instituit, necnon a summo Pontifice ipse facultatem obtinuit, ut fidelium confessiones excipere possent.

## §. XXVI.

*Ordo Fratrum Humiliatorum a Sancto Carolo ad pristinam disciplinam revocatus.*

*Guiff. vie de  
S. Charles  
l. 2. c. 14.*

**H**oc item anno Sanctus Borromæus pariter Ordinem Fratrum Humiliatorum, qui a primævo Institutum sui fer-